

სსიპ - ლ. საყვარელიძის სახელობის დაავადებათა კონტროლისა და
საზოგადოებრივი ჯანმრთელობის ეროვნული ცენტრი

დაფინანსების წყარო

„დაავადებათა კონტროლისა და ეპიდემიოლოგიური უსაფრთხოების პროგრამის მართვა“

კომპიუტერული ტექნიკა და მოწყობილობები შესყიდვა
CPV30213100

ელექტრონული ტენდერის

სატენდერო დოკუმენტაცია

ქ. თბილისი 2016

I. შესყიდვის ობიექტის დეტალური აღწერილობა:

- შესყიდვის ობიექტია ახალი/უხმარი 66 ლეპტოპი (შემდგომში „საქონელი“) ცხრილის №1; შესაბამისად.
- „საქონლის“ სავარაუდო ღირებულება შეადგენს 12594 (თორმეტი ათას ხუთას ოთხმოცდაათობმეტი) ლარს დღგ-ს გათვალისწინებით.
- „საქონლი“ მიწოდების ვადა - ხელშეკრულების გაფორმებიდან არაუგვიანეს 35 კალენდარული დღე.
- საქონლის მიწოდების ადგილი: ქ. თბილისი, მ. ასათიანის ქ. N9.
- „საქონლის“ მიწოდების პირობები - „საქონელი“ უნდა იყოს წარმოდგენილი მწარმოებლის შესაბამისი ორიგინალი შეფუთვით.
- „საქონლის“ უვარგისობის შემთხვევაში „მიმწოდებელი“ სრულად და დროულად უზრუნველყოფს უვარგისი პროდუქციის შეცვლას, ამასთან აანაზღაურებს შესაძლო მიყენებულ ზარალს.

ცხრილი #1

დასახელება	სპეციფიკაცია	საგარანტიო ვადა	მიწოდების ვადა არაუგვიანეს
ლეპტოპი	გამოთვლითი ბირთვების რაოდენობა - არანაკლებ 4; არქიტექტურა - არანაკლებ 6 თაობის; ბირთვების რაოდენობა - 2 (ორი) ან მეტი; L3 „ქეში“ - 4MB ან მეტი; ტაქტური სიხშირე - არანაკლებ 2 GHz (ხოლო Turbo რეჟიმში 2.8 GHz ან მეტი); ოპერატიული მეხსიერება - არანაკლები 8 GB, DDR3 1600MHz; მყარი დისკი - ტიპი: HDD. SATA III ინტერფეისზე, არანაკლებ 1Tb; ოპტიკური დისკების წამკითხავი მოწყობილობა - DVD-ის ჩაწერა/წაკითხვა; ქსელი - 10/100/1000 Ethernet Controller; რადიო ქსელი - 802.11 b/g/n, Bluetooth 4.0 ან მეტი; ეკრანი - 15.6", LED უკანა განათებით, 1366x768 გარჩევადობა ან მეტი; გრაფიკული ადაპტერი - არაინტეგრირებული, არანაკლები 2 GB; ხმის ადაპტერი - ხმამაღლამოლაპარაკე, Stereo headphone/line out, Stereo microphone/line in; ინტერფეისები - მინიმუმ 2-ცალი USB, 1x RJ-45, 1x კვების ბუდე; ვებ კამერა - HD 720p ან მეტი; კლავიატურა - მინიმუმ 104 კლავიშიანი;	არანაკლებ 12 თვე	35 კალენდარული დღე

II. ტექნიკური დავალება

პრეტენდენტის მიერ, სისტემაში ატვირთული სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

1. პრეტენდენტის რეკვიზიტები დანართი №2-ის მიხედვით.
2. ფასების ცხრილი (დანართი №1), შესყიდვის ობიექტის დეტალური აღწერილობაში მოცემული ცხრილი №1-ის შესაბამისად.
3. სტანდარტიზაციის საერთაშორისო ორგანიზაციის (ISO) სერთიფიკატის, დამამტკიცებელი შესაბამისი დოკუმენტი.

სახელმწიფო შესყიდვების ერთიან ელექტრონულ სისტემაში სატენდერო წინადადების ტექნიკური დოკუმენტაციისა და სატენდერო წინადადების ფასი) წარდგენით „პრეტენდენტი“ ავტომატურად გამოხატავს თანხმობას და უზრუნველყოფს ამ პუნქტის „ა“-„ი“ ქვეპუნქტებში განსაზღვრულ მოთხოვნების შესრულებას:

- ა. პრეტენდენტის მიერ წარმოდგენილ ფასების ცხრილში, ერთეულის ღირებულება (ლარი) უნდა განისაზღვროს მეასედის სიზუსტით.
- ბ. პრეტენდენტის მიერ სატენდერო წინადადების (დოკუმენტაცია) წარმოდგენა დასაშვებია უცხო ენაზე, ასეთ შემთხვევაში სატენდერო დოკუმენტაციას უნდა ახლდეს ქართულენოვანი და ნოტარიულად დამოწმებული თარგმანი.
- გ. სატენდერო წინადადებაში საერთო ფასი (ეროვნული ვალუტა) გამოსახული უნდა იყოს დღგ-ს ჩათვლით.
- დ. „საქონლი“ მიწოდების ვადა - ხელშეკრულების გაფორმებიდან არაუგვიანეს 35 კალენდარული დღისა.
- ე. ანგარიშსწორების განხორციელება მიღება-ჩაბარების აქტის გაფორმებიდან 10 სამუშაო დღის ვადაში.
- ვ. საქონლის მიწოდების ადგილი: ქ. თბილისი, მ. ასათიანის ქ. N9.
- ზ. შემოთავაზებული ლეპტოპი უნდა იყოს მსოფლიო ბრენდის, რომელიც მსოფლიო ბაზარზე არანაკლებ 10 წელი იყიდება.
- თ. შემოთავაზებულ ლეპტოპებს უნდა გააჩნდეს სტანდარტიზაციის საერთაშორისო ორგანიზაციის (ISO) სერთიფიკატი,
- თ. „საქონლის“ უვარგისობის შემთხვევაში „მიმწოდებელი“ სრულად და დროულად უზრუნველყოფს შეცვლა/ჩანაცვლებას და შეკეთება „შემსყიდველის“ მხრიდან რაიმე დამატებითი დანახარჯის გაწევის გარეშე, ამასთან ანაზღაურებს შესაძლო მიყენებულ ზარალს.
- ი. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია წარმოადგინოს ფასწარმოქმნის ადეკვატურობის დამადასტურებელი ინვოისი ან/და სასაქონლო ზედნადები შესაძენი/შემძენილი „საქონლის“ შესახებ და დამატებითი წერილი მხოლოდ იმ შემთხვევაში თუ პრეტენდენტი საკუთარი ძალებით ახორციელებს თანმდევი მომსახურების გაწევას.

III. დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. თბილისი, მ. ასათიანის 9, მე-2 სართული. საკონტაქტო პირები: რამზეს ჩალაური +99532 239-89-46 (შიდა211)

IV. სახელმწიფო შესყიდვის შესახებ ხელშეკრულების პროექტინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ „პრეტენდენტთან“. წინამდებარე ხელშეკრულების პროექტის პირობები დაზუსტდება გამარჯვებული „პრეტენდენტის“ სატენდერო წინადადების შესაბამისად.

ხელშეკრულება№

(სახელმწიფო შესყიდვების შესახებ)

ქ. თბილისი

2016წ.

დაიდო, ერთი მხრივ სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“ (შემდგომში „შემსყიდველი“) მისი გენერალური დირექტორის მოადგილის პაატა იმნაძის სახით და მეორეს მხრივ, (შემდგომში „მიმწოდებელი“) მისი სახით, შემდეგზე - სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის“ მიერ 2016 წლის --- NoSPA ----- გამოცხადებული გამარტივებული ელექტრონული ტენდერის შედეგების მიხედვით „კომპიუტერული ტექნიკა და მოწყობილობების: (CPV30213100) შესყიდვაზე.

1. ხელშეკრულების საფუძველი

1.1 „სახელმწიფო შესყიდვების შესახებ“ საქართველოს კანონი.

1.2 დაფინანსების წყარო: დაავადებათა კონტროლისა და ეპიდემიოლოგიური უსაფრთხოების პროგრამის მართვა.

2. ხელშეკრულების ობიექტი

2.1 ხელშეკრულების (შესყიდვის) ობიექტია: 6ც ლეპტოპის (შემდგომში „საქონელი“) შესყიდვა (CPV30200000) დანართი #1-ის შესაბამისად (წარმოადგენს ხელშეკრულების განუყოფელ ნაწილს).

3. ხელშეკრულების საერთო ღირებულება

3.1 ხელშეკრულების საერთო ღირებულება შეადგენს ----- (-----) ლარს დღგ-ს ჩათვლით.

3.2 შესყიდვის ობიექტის ღირებულება განისაზღვრება „მიმწოდებლის“ მიერ წარმოდგენილი ფასების ცხრილის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

3.3 ხელშეკრულებაში დაფიქსირებული ფასის შეცვლა დასაშვებია მხოლოდ შემდეგ შემთხვევებში, როდესაც:

ა) მხარეთა ურთიერთშეთანხმების შედეგად მოხდება სატენდერო წინადადებაში წარმოდგენილი ერთეულის ფასის შემცირება;

ბ) საქართველოს სამოქალაქო კოდექსის 398-ე მუხლით გათვალისწინებული გარემოებების არსებობისას.

4. ხელშეკრულების კონტროლი

4.1 ხელშეკრულების შესრულების კონტროლს განახორციელებს – ცენტრის სახელმწიფო შესყიდვების ხელშეკრულებების შესრულების კონტროლის ჯგუფი, რომელიც „საქონლის“ მიღებისას წარმოქმნილი საჭიროებიდან გამომდინარე, განახორციელებს ინსპექტირებას, რაც გულისხმობს ხელშეკრულების პირობების შესრულების კონტროლს.

4.2 ინსპექტირების განხორციელებასთან დაკავშირებული ყველა საჭირო საბუთის წარდგენა, ფინანსური ხარჯის და საორგანიზაციო საკითხების გადაწყვეტა ეკისრება „მიმწოდებელს“.

5. შესყიდვის ობიექტის ხარისხი

5.1 მისაწოდებელი „საქონლის“ ხარისხი უნდა შეესაბამებოდეს სატენდერო წინადადებით წარმოდგენილ ინფორმაციას.

5.2 შესყიდვის ობიექტის უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

6. შესყიდვის ობიექტის მიწოდების და მიღება-ჩაბარების პირობები

6.1. „საქონლი“ მიწოდების ვადა ხელშეკრულების გაფორმებიდან არაუგვიანეს 35 კალენდარული დღისა. - ქ. თბილისი, მ. ასათიანის ქ. N9.

6.2 „საქონლის“ მიწოდებისას „მიმწოდებელმა“ „შემსყიდველს“ უნდა წარუდგინოს შემდეგი დოკუმენტები:

6.2.1. სასაქონლო ზედნადები საქონლის აღწერით, საქონლის რაოდენობის, ერთეულის ფასის და საერთო ღირებულების მითითებით;

6.3. „მიმწოდებელმა“ უნდა უზრუნველყოს შემსყიდველისათვის ზემოთ ჩამოთვლილი დოკუმენტების წარდგენა „საქონლის“ დანიშნულების ადგილზე მიწოდებისთანავე. პასუხისმგებლობა „შემსყიდველის“ მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება „მიმწოდებელს“.

6.4. ფაქტიურად მიწოდებული „საქონლის“ მიღება-ჩაბარება განხორციელდება ხელშეკრულების მე-4 მუხლით განსაზღვრული კოორდინატორის ან უფლებამოსილი პირის მიერ შედგენილი ინსპექტირების აქტის საფუძველზე მხარეთა უფლებამოსილი წარმომადგენლების მიერ ხელმოწერილი და დამოწმებული მიღება-ჩაბარების აქტით (რომელიც შედგენილი იქნება მოწოდებული საქონლის ხელშეკრულებით გათვალისწინებული ერთეულის და შესაბამისი საერთო ფასის მიხედვით).

7. საქონლის საგარანტიო ვადა და პირობები

7.1. „საქონლის“ უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

7.2. „საქონლის“ საგარანტიო/ვარგისიანობის ვადა მოწოდების მომენტისათვის უნდა იყოს დანართი N2-ში მითითებული ვადების შესაბამისად.

7.3 „მიმწოდებელი“ ვალდებულია მიწოდებული „საქონლის“ წუნდების შესახებ წერილობითი შეტყობინების მიღებიდან არაუმეტეს 10 სამუშაო დღეში განახორციელოს წუნდებული საქონლის შეცვლა/ჩანაცვლება და შეკეთება „შემსყიდველის“ მხრიდან რაიმე დამატებითი დანახარჯის გაწევის გარეშე.

7.4. სწორი ექსპლუატაციის პირობებში „მიმწოდებელმა“ უნდა უზრუნველყოს გამოვლენილი დეფექტების შეცვლა/ჩანაცვლება და შეკეთება.

8. ანგარიშსწორების წესი, ფორმა და ვადები

8.1 ანგარიშსწორების ფორმა - უნაღდო ანგარიშსწორება.

8.2 ანგარიშსწორება განხორციელდება ლარებში.

8.3 ანგარიშსწორების განხორციელებას ფაქტიურად გაწეული „მომსახურებისა“ და მიღება-ჩაბარების აქტის გაფორმებიდან 10 სამუშაო დღის ვადაში.

9. მხარეთა უფლება-მოვალეობანი

9.1. „შემსყიდველი“ უფლებამოსილია შეწყვიტოს ხელშეკრულება „საქონლის“ ხარისხის, „საქონლის“ ვადის და/ან მიწოდების პირობების გაუარესების გამო, აგრეთვე მე-12 მუხლით გათვალისწინებული პირობების შემთხვევაში;

9.2. „შემსყიდველი“ ვალდებულია უზრუნველყოს მიწოდებული „საქონლის“ ღირებულების დროული გადარიცხვა „მიმწოდებლის“ საბანკო ანგარიშზე;

9.3. „მიმწოდებელი“ უფლებამოსილია მოსთხოვოს „შემსყიდველს“ „საქონლის“ ღირებულების დროული გადარიცხვა მის საბანკო ანგარიშზე;

9.4. „მიმწოდებელი“ ვალდებულია: უზრუნველყოს ამ ხელშეკრულებით განსაზღვრული ხარისხის „საქონლის“ მიწოდება „შემსყიდველისათვის“ ხელშეკრულებით დადგენილი პირობების შესაბამისად.

10. პირგასამტეხლო

10.1. ხელშეკრულებით განსაზღვრული ვადების გადაცდენის, ან მიმწოდებლის მიერ პირობების გაუარესების შემთხვევაში მხარეებს ეკისრებათ პირგასამტეხლოს გადახდა ყოველ ვადაგადაცილებულ დღეზე გაანგარიშებით ხელშეკრულების ღირებულების 0,1%-ს ოდენობით.

10.2. ხელშეკრულების მე-9 და მე-10 მუხლებით გათვალისწინებული დარღვევათა გარდა, სხვა პირობების დარღვევის შემთხვევაში, დამრღვევი მხარე იხდის პირგასამტეხლოს ხელშეკრულების ღირებულების 1%-ის ოდენობით.

10.3. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

10.4. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10.5. მხარეები ვალდებულებას იღებენ უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში.

11. ფორს-მაჟორული სიტუაცია

11.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე დაუძლეველი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.

11.2. დაუძლეველ ძალად ჩაითვლება შემდეგი (და არა მხოლოდ):

ა) სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;

გ) ეპიდემიები;

დ) ბლოკადა ან ნებისმიერი ეკონომიკური ემბარგო;

ე) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტის გამოცემა, რომელიც

ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და ცვლის, წყვეტს ან აჩერებს ხელშეკრულების დებულებებსა და პირობებს.

11.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

11.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

11.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.

11.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

11.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

11.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდეც გონივრულ ვადებში.

12. ხელშეკრულების შეწყვეტა

12.1 ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.

12.2. ხელშეკრულების 12.1 პუნქტით გათვალისწინებულ შემთხვევაში მხარე ვალდებულია მეორე მხარეს აღნიშნულის თაობაზე აცნობოს წერილობით, არაუგვიანეს 15 სამუშაო დღით ადრე.

12.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

13. დავები და მათი გადაწყვეტის წესი

13.1 მხარეთა შორის წამოჭრილი დავები შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე.

13.2 „შემსყიდველმა“ და „მიმწოდებელმა“ ყველა ღონე უნდა იხმაროს, რათა პირდაპირი, არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.3 თუ მხარეები ვერ შეძლებენ მოლაპარაკების საფუძველზე გადაწყვეტონ დავა ნებისმიერ მხარე უფლებამოსილია მიმართოს სასამართლოს.

14. სხვა პირობები

14.1 მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

14.2 ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

14.3 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

14.4 ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

14.5 კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

14.6 წინამდებარე ხელშეკრულება შედგენილია სამ ეგზემპლარად, ქართულ ენაზე, რომელთაგან თითოეულს გააჩნია თანაბარი იურიდიული ძალა. ხელშეკრულების ორი ეგზემპლარი ინახება შემსყიდველთან, ხოლო ერთი ეგზემპლარი - „მიმწოდებელთან“.

14.7 წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულუფლებიანი წარმომადგენლის მიერ.

15. ხელშეკრულების მოქმედების ვადა

15.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

15.2 ხელშეკრულების მოქმედების ვადა განისაზღვრება: 2017 წლის 10 თებერვლის ჩათვლით.

15.3 ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.

15.4 ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

16. განსაკუთრებული შენიშვნები

16.1. ხელშეკრულება დგება სამ თანაბარძალოვან ეგზემპლიარად, საიდანაც ერთი ეგზემპლარი გადაეცემა „მიმწოდებელს“, ხოლო ორი ინახება „შემსყიდველთან“.

17. მხარეთა რეკვიზიტები

„შემსყიდველი“

სსიპ „ლ. საყვარელიძის სახ. დაავადებათა

კონტროლისა და საზოგადოებრივი

ჯანმრთელობის ეროვნული ცენტრი“

მ. ასათიანის ქ.9

საიდენტიფიკაციო კოდი 211324351

ქ. თბილისი სახელმწიფო ხაზინა

კოდი TRESGE22

ანგარიშის # GE24NB03301100200165022

„მიმწოდებელი“

დანართი N1

დასახელება მოდელი	სპეციფიკაცია	მწარმოებელი ქვეყანა კომპანია	რაოდენობა	საგარანტიო ვადა	მიწოდების ვადა	ერთეულის ღირებულება	საერთო ღირებულება
	ჯამური ღირებულება დღგ-ს ჩათვლით						

დანართი N2

V რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი: პრეტენდენტის

ტელეფონის ნომერი: ელექტრონული

მისამართი:

ბანკის კოდი: ანგარიშსწორების

ანგარიში: ანგარიშის ნომერი

